

Segun Tico Croes

ELECCION LO POR TA DIA

12 DI NOVEMBER

ORANJESTAD(AAN) -- Parlamentario Tico Croes di AVP a duna di conoce na DIARIO cu relaciona cu e avisonan cu AVP ta poniendo den corantnan, "Bo voto ta Bo opinion", e miembro di AVP a splica e pensamento cu tin tras di e campaña publicitario aki.

Na opinion di AVP, Tico Croes a splica, eleccionan lo por bay worde anuncia den e congreso di MEP dia 23 di Augustus awor.

Maske cu esaki ta un posible senario den un serie di alternativa mester tene cuenta cune. Esaki segun Parlamentario Croes ta significa cu eleccionnan lo por tuma lugar

dia 12 di November.

Encaso cu eleccion worde yama pa November, e ora ey esnan cu no ta inscribi 30 dia promer cu entrega lista lo no por vota.

E fecha fatal lo ta dia 24 di Augustus. Pa e motibo aki AVP a dicidi di motiva esnan cu no ta inscribi ainda, pa inscribi nan mes pa asina tur hende por vota si encaso eleccion worde anuncia pa November.

Parlamentario Tico Croes a invatise cu e derecho di voto ta uno sagrado y tur hende mester haya e oportunidad pa por haci uso di e derecho aki.

AVP ta considera e eleccion aki uno di cardinal importan-

cia pa e destino di Aruba.

E siguiente eleccion ta e salvacion pa Aruba no sigui den e decadencia cu e ta aden. Peseu mas cu nunca ta importante pa tur esnan cu tin derecho di voto haci uso di nan derecho pa determina e destino di Aruba.

Segun Parlamentario Tico Croes, esaki ta un motibo extra pa AVP haci tur su empeño pa ningun hende perde nan derecho pa motibo cu nan no tabata inscribi mientras nan ta bibando na Aruba.

El a enfatisa cu e valornan di democracia ta profundamente ancla den AVP y esey ta motiba e miembronan tambe pa proteha e derechonan di cada ciudadano.